

八十八祖傳贊卷之四

藝九

明 匡廬憨山釋德清述

秀水寓公高承挺補

首山念禪師傳

汝州首山省念禪師萊州狄氏子出家于本

郡南禪寺授具徧遊叢席常密誦法華經衆

目爲念法華晚于風穴會下充知客一日侍立次穴乃垂涕告之曰不幸臨濟之道至吾

將墮于地矣師曰觀此一衆豈無人耶穴曰聰明者多見性者少師曰如某者如何穴曰

吾雖望子之久猶恐耽著此經不能放下師

曰此亦可在願聞其要穴遂上堂舉世尊青

蓮花目顧視大衆乃曰正當恁麼時說個甚

麼若道不說而說又是埋沒先聖且道說個甚麼師乃拂袖下去穴擲下拄杖歸方丈侍

甚麼師乃拂袖下去穴擲下拄杖歸方丈侍

者隨後請益曰念法華因甚不祇對和尚穴曰念法華會也次日師與真圓頭同問訊穴間真曰作麼生是世尊不說說真曰鵠鵠樹頭鳴穴曰汝作許多癡福作麼又問師曰汝作麼生師曰動容揚古路不墮悄然機穴謂真曰何不看念法華下語師受風穴印可泯跡發光人莫知之後開法于首山大振臨濟之道是爲南嶽下八世贊曰

七軸蓮經持之已久一言放下卽知本有不說之說舉著便見拂袖而行何等快便

永明壽禪師傳

杭州慧日永明延壽智覺禪師餘杭王氏子

總角歸心佛乘旣冠不如葷日惟一食持法

華經六旬能誦年二十八爲華亭鎮將吳越

文穆王知師慕道乃從其志遂禮龍冊寺翠

巖爲師執勞忘身從事衣不繪纊食不重味

野蔬布襦以遣朝夕尋徃天台山九旬習定

有鳥巢于衣襍中既謁韶國師一見深器之密授玄旨仍謂曰汝與元帥有緣他日大興佛事初住雪竇僧問雪竇一徑如何履踐師

藝文

二

曰步步寒花結言言徹底冰師有偈曰孤猿

叫落中宵月野客吟殘半夜燈此境此時誰得意白雲深處坐禪僧錢忠懿王請開山靈

隱明年遷永明衆盈二千居十五載度弟子一千七百人入天台山度戒約萬人放諸生

藝文

三

類不可稱討日作一百八件方便行道餘力持法華經計萬三千部著宗鏡錄百卷詩偈賦凡千萬言海外高麗王遣書叙弟子禮彼國僧三十六人皆承印記青原下十世贊曰乘大願輪出爲法瑞總持門開衆行畢備

懸一心鏡朗照萬物佛日中天無幽不燭

慈明圓禪師傳

潭州石霜楚圓慈明禪師全州李氏子少爲書生年二十二依湘山隱靜寺出家其母有賢行使之遊方聞汾陽道望遂往而謁焉陽

顧而默器之經二年未許入室每見必詬罵或毀詆諸方及有所訓皆流俗鄙事一夕訴曰自至法席已再夏不蒙指示但增世俗塵勞念歲月飄忽已事未明失出家之利語未卒陽熟視罵曰是惡知識敢裨販我怒舉杖逐之師擬伸救陽掩師口乃大悟曰是知臨濟道出常情服役七載辭去依唐明嵩禪師嵩謂師曰楊大年内翰知見高入道穩實子不可不見師乃徃見大年機語相投恨見之晚年于朝中見駙馬都尉李遵勗曰近得一

道人真西河獅子李曰我以拘丈不能就見奈何年默然歸語師曰李公佛法中人聞道風遠至有願見之心政以法拘于是師黎明謁李公一見欣然相契至是師與楊李二老爲法門稱最密及李公終師爲之臨壙仁宗聞而嘉之有旨宮舟賜歸師出世說法後住

石霜師嗣汾陽昭爲南嶽下十世贊曰

西河逆機見者不識親遭掩口鼻孔打失其機迅發脫不可羈明眼稱之真獅子兒

天衣懷禪師傳

越州天衣義懷禪師永嘉樂清陳氏子世以漁爲業母夢星殞于屋乃孕及產尤多吉祥兒時坐船尾父得魚付師貫之師卽私投江中父怒笞之師恬然如故有出世志長遊京師依景德寺爲童行後試經得度初謁金鑾

善葉縣省皆蒙印可後至姑蘇禮明覺于翠峯覺問汝名甚麼曰義懷覺曰何不名懷義曰當時致得覺曰誰汝立名曰受戒來十年矣覺曰汝行脚費却多少草鞋曰和尚莫瞞人好覺曰我也没量罪過你也没量罪過你作麼生師無語覺打曰脫空謾語漢出去一日入室次覺曰恁麼也不得不恁麼也不得恁麼不恁麼總不得師擬議覺又打如是者數四尋爲水頭因汲水擔折忽墮大悟作投機偈曰一二三四五六七萬仞峯頭獨足立驥龍領下奪明珠一言勘破維摩詰覺聞撫几稱善後七坐道場化行海內嗣法甚衆是爲青原下十世贊曰

本性慈悲來酬夙帳見了魚兒隨手便放一出塵網遂登覺地擔折桶脫虛空粉碎

佛印元禪師傳

佛印禪師諱了元字覺老浮梁人姓林氏世業儒師生二歲琅琅誦論語諸家詩五歲誦詩三千首既長從師受五經通大義因讀楞嚴經有省盡業所習白父母求出家禮寶積

藝九

四

寺沙門日用試法華得度授具後遊廬山謁開先達道者進自負爲海上橫行俯視後進師與問答捷給乃稱賞遂爲其嗣謁圓通訥訥曰骨骼已似雪竇後來之俊也畱掌書記

江州承天虛席訥薦元當選時年二十八矣自承天遷淮之斗方廬之開先歸宗闍之金焦江西之大仰雲居凡四十年間德化縉紳紳之賢者多與之遊東坡謫黃州師居歸宗酬酢妙句與雲霞爭麗矣時李伯時爲師寫照師曰必爲我作笑狀自爲贊曰李公天

藝九

五

上石麒麟傳得雲居道者真不爲拈花明大事等閒開口笑何人泥牛漫向風前艤枯木無端雪裏春對現堂堂俱不識太平時代自由身元符元年正月四日聽客語有會心者一笑而化如所畫狀贊曰

文字習氣生來漏逗橫口說禪不落窠臼預畫笑容不知何爲軒渠而化只這便是

黃龍南禪師傳

隆興府黃龍慧南禪師信州張氏子出家參方依泐潭禪師分座說法名振諸方後謁慈明聞慈明貶剝諸方件件數爲邪解師爲之氣索遂造其室明命掌書記屢聞示不契一日明問趙州道臺山婆子爲我勘破了也知道那裡是他勘破婆子處師汗下不能加答次日又詣明詬罵不已師曰罵豈慈悲法施

耶明日你作罵會那師于言下大悟作頌曰
傑出叢林是趙州老婆勘破沒來由而今四
海清如鏡行人莫與路爲離呈慈明領之
後開法于同安機辯自在室中常問僧曰人
人有個生緣上座生緣在甚麼處正當問答
時却伸手曰我手何似佛手又問諸方參請
宗匠所得復垂脚曰我腳何似驢腳如此三
十餘年衲子少有契其機者謂之黃龍三關
語大振臨濟之道是爲南嶽下十一世贊曰
西河獅子父子門風倒握太阿誰敢當鋒
師一拶之聖凡情盡室中三關全提正令
楊岐會禪師傳

袁州楊岐方會禪師郡之宜春冷氏子少警
敏及冠不事筆硯繫名征商課最坐不職乃
宵遯至瑞州九峯恍若舊遊眷不忍去遂落

髮每聞經心融神會參叩慈明自南源徙道
吾石霜師皆佐總院事依之雖久然未有省
發每答參明曰庫司事繁且去他日又問明
曰監寺異時兒孫遍天下在何用忙爲一日
明適出雨忽作師偵之小徑旣見遂擋住曰
這老漢今日須與我說不說打你去明曰監
寺知是般事便休語未卒師大悟卽拜于泥
塗問曰狹路相逢時如何明曰你且躲避我
要那裡去師歸來日具威儀詣方丈禮謝明
曰未在自是明每山行師輒瞰其出雖晚必
藝九
擊鼓集衆明遽還怒曰少叢林暮而陞座何
從得此規繩六師曰汾陽晚參也何謂非規繩
乎時時激揚宗旨及明移興化師辭歸九峯
後道俗迎居楊岐大振慈明之道是爲南嶽
下十一世贊曰

荷擔大法綱維叢林狹路相逢一語見心

異時兒孫遍滿天下源遠流長根深枝大

白雲端禪師傳

舒州白雲守端禪師衡州葛氏子幼事翰墨

長依茶陵郁禪師披剃徃參楊岐岐一日忽

斂

七

問受業師爲誰師曰茶陵郁和尚岐曰吾聞

伊過橋遭擗有省作偈甚竒能記否師誦曰

我有明珠一顆久被塵勞關鎖今朝塵盡光
生照破山河萬朵岐笑而趨起師愕然通夕

不寐黎明諮詢之適歲暮岐曰汝見昨日打

毆讐者麼曰見岐曰汝一籌不及渠師復駭

曰意旨如何岐曰渠愛人笑汝怕人笑師大

悟巾侍久之辭遊廬阜圓通訥禪師舉住承

天聲名藉甚又遜居圓通次徒法華龍門興

化海會所至衆如雲集隨處上堂示衆機語

超絕是爲南嶽下十二世贊曰

久把明珠秘爲奇貨及遇作家一笑便墮
看破笑處自亦絕倒信手拈來無非是寶

五祖演禪師傳

蘄州五祖法演禪師綿州鄧氏子年三十五

始棄家祝髮受具徃成都習唯識百法論因

聞菩薩入見道時智與理冥境與神會不分

能證所證西天外道嘗難比丘曰旣不能

證所證却以何爲證無能對者後玄奘三藏

至彼救云如人飲水冷暖自知乃通其難師

曰冷暖則可知矣作麼生是自知的事遂致

疑本講師莫疏其問但曰汝欲明此當徃南

方扣傳佛心宗者師卽負笈參方每見尊宿

無不以此咨决疑終不破後謁浮山遠禪師

請益遠云我有個譬喻說似你你一似個三

家村裡賣柴漢子把個匾擔向十字街頭立
地問人今日中書堂商量甚麼事師默計若
如此大事故未在遠一日語師曰吾老矣恐
虛度子光陰可往依白雲此老必能了子大
事師辭至白雲遂舉僧問南泉摩尼珠話請

鑒

八

益雲叱之師領悟獻投機偈曰山前一片閒
田地又手叮嚀問祖翁幾度賣來還自買爲
憐松竹引清風雲印可後分座說法晚居東
山爲南嶽下十三世贊曰

出門不利卽撞擔板逢人便問祗好遞眼
幸遇作家一椎打破掉轉頭來方知話墮

無準範禪師傳

徑山無準禪師諱師範蜀之梓潼人姓雍氏
出家授具參學來杭州見松源嶽于靈隱謁
破庵先禪師于平江一言之下頓悟玄旨出

世明州清涼移焦山遷雪竈召住育王遷徑
山召入對修政殿賜金襴僧衣又宣詔慈明
殿陞高座說法帝垂簾而聽賜號佛鑑禪師
贊曰

一語投機十方通透舌根雷奔衲僧雲湊

兩入內廷提挈萬乘不假他力全憑正令

四明法智知禮法師傳

法智法師諱知禮字約言四明金氏子母李
氏乏嗣父母禱于佛夢神僧携童子遺之曰
此佛子羅睺羅也因有娠暨生神宇清粹不

鑒九
與衆倫七歲喪母號哭不絕白父求出家遂

捨依太平興國寺洪選師十五授具專探律

部時寶雲法師專弘天台教觀師時年二十
從之始三日首座謂之曰法界次第汝當
奉行師曰何謂法界座曰大總相法門圓融

雪巖欽禪師傳補

無礙者是也。師曰：既圓融無礙，何有次第？座無對居。一月自講《心經》，聽者服其速悟。五年，其父夢師跪于寶雲之前，雲以瓶水注其口。自是圓頓之旨一受卽了。嘗代寶雲講《雲歸寂》。師復夢貫寶雲之首，擐于左臂而行。師自解曰：將作初表，受習流通次表，操持種智之首，化行于世也。後受請出世，主乾符後，徙報恩院大興建，以爲長講。天台教法十方住持，之地。師精勤懺法苦志，操修博學，多聞長于著述，善申詰難。天台一家教觀，至宋久湮。先是寶雲講二十年，尤多異討。至師廣設問難，發明一心三觀之旨，故台宗以師爲中興焉。著作甚多，具載別錄，贊曰：

台之一家遠宗龍樹教觀，分明觸者多悟。五百年來，其維不張。實生吾師，大振其綱。

搭靈隱見處州來書記云：欽禪工夫是死水不濟，事動靜二相打作兩橛。參禪須是起疑情，小疑小悟，大疑大悟。師便改看乾屎橛，却因昏散不得頃刻潔淨，移單過淨慈參天目禮，結甲坐禪。封被不臥，一日問修上座，卽今昏散打屏不去。修曰：你自不猛烈，須是盡渾身併作一個話頭，更討甚昏散。師依此做工夫，頓覺身心兩忘。三晝夜，目不交睫。第三日下午，在三門下經行修問，在此做甚麼。曰：辨道修。曰：你喚甚麼作道？不能對轉，加迷悶。遂

歸堂坐禪纔上蒲團面前豁然一開如地陷一般是時呈似人不得便下單尋修修見便云且喜且喜握手出門前柳堤上行見萬象森羅向來厭棄之物與無明煩惱元都是妙明真性中流出半月餘動相不生然于中夜睡著又却打作兩橛凡古人公案有義路者則理會得如銀山鐵壁者却又不會後見無準範公于徑山因鑄鐘令作疏語師成偈曰通身只是一張口百鍊爐中軛出來斷送夕陽歸去後又催明月上樓臺卽俾居侍司十年然猶不得徹悟因過浙東天童育王兩山住一日在佛殿前行忽然擡頭見一枝古柏觸目省發礙膺之物撲然而散自謂如暗室中出在白日之下走一轉相似方始得見徑山老人立地處正好三十拄杖由是聲振叢

材出世潭州龍興遷湘西道林處州南明佛日台州仙居護聖湖州光孝道袁州之仰山道遂大顯學者稱仰矯再世云上堂曰個事本成現覓則不可見白圭本無瑕琢磨乃成玷執之以寶法空中生閃電視之似等閒脚下添紅線若是學道人好好看方便作麼生莫看仙人手中扇普說曰時不待人轉眼便是來生何不趁身強力健打教徹去討教明白去何幸又得在此名山大澤神龍世界祖師法窟安單僧堂明淨粥飯精潔湯火穩便若不向這裡打教徹討教明白去是你自暴自棄自甘陸沉爲下劣愚癡之漢你若果是茫無所知何不博問先知凡遇五參見曲參牀上老漢橫說豎說何不歷在耳根反覆尋思畢竟是個甚麼道理是爲南嶽下二十

世贊曰

知見若存關捩猶隔觸破琉璃殿前古柏
借仰山座通楊岐脉全提正令千妖喪魄

無用寬禪師傳

補

舒州太湖山無用寬禪師得法金牛真門庭

嚴峻先後主金牛離相寺太平乳山太湖南
山淨成正覺諸大刹俱有語錄行於世一源
寧求印可方入戶師厲聲叱出寧作禮門外
含笑而立久之乃許入師問曰何處人曰通
州師曰淮海近日盈虛若何曰沃日滔天不
存涓滴師曰不著漕道曰請和尚道師便喝

寧退就禪室徹夜不寐一日聞師舉雲門一

念不起語聲未絕而有省急趨入堂師便打
令造偈拈趙州寧立成曰趙州狗子無佛性

萬象森羅齊乞命無底籃兒盛死蛇多添少

藝九

十三

曰

減無餘剩師嗒然一笑復舉證道偈問曰掣
電飛來全身不顧擬議之間聖凡無路速道
速道寧曰火迸星飛有何擬議覩面當機不
是不是師振威一喝寧曰喝作麼師曰東瓜
山前吞扁擔捉住清風剝了皮寧不覺通身
汗下曰今日方知和尚用處師曰閉著口寧
侍左右三年師以斷崖義所贊已像親署一
花授之曰逢龍卽住遇池便居寧後建禹門
興化庵于龍池實應其識宋學士濂云無用
其鐵中之錚錚者與是爲南嶽下二十世贊

好箇阿師十分標格門庭高峻言無枝葉
活剝了皮露出清風且閉著口一線不通

高峯妙禪師傳

天目高峯禪師諱原妙吳江人姓徐氏母周

氏夢僧乘舟投宿而孕生而喜趺坐見僧入門則愛戀欲從之遊十五懇請父母出家投嘉禾密印寺法住爲師薙髮受具二十八淨慈立三年死限學禪父兄尋訪巍然不顧後參雪巖欽禪師方問訊卽打出閉却門再徃

始得親近一日巖忽問阿誰與你拖箇死尸

來聲未絕卽打如是者不知其幾後覩五祖

演和尚真贊云返復元來是這漢忽然打破

拖死尸之疑及見巖巖仍前問師便喝巖拈棒師把住曰今日打某甲不得翌日巖問萬

法歸一一歸何處師曰狗舐熱油鑄白是機

鋒不讓一日巖問正睡無夢時主人公在甚麼處師無語自是奮志入龍鬚決要發明越五年因同宿推枕子落地作聲廓然大悟乃

謂如遠客還鄉只是舊時人不改舊時行履

處後入天目獅子巖最險絕處立死關髮長不剪截甕爲鐺併日一食晏如也時巖住大仰三喚不起乃付塵拂印記後出世其道大振遂有他方異域越重海踰萬山而來者贊曰

雪巖之險壁立萬仞惟師登之得其捷徑死關之險又踰于巖故望之者猶如登天

鐵山瓊禪師傳

補

南嶽鐵山瓊禪師十八出家二十二薙髮受具先到石霜記得祥庵主云時時觀見鼻頭

白從此下工使得清淨及見雪巖坐禪篋始知工夫未當乃徃見雪巖于仰山一依所示用工一日忽覺從頭至足如擘破髑髏相似如萬丈井底被提出在空中相似舉似巖巖曰未在更去做工夫求得法語末句云紹隆

佛祖向上事體後依然欠一槌巖順世師以

離巖太早再謁蒙山山問叅禪到甚麼處是

畢工處師罔然山教做定力工夫洗盪塵習

每遇入室下語只道欠在一日以定力挨拶

直造幽微出定舉似山山問那個是你本來

藝元

古面目正欲下語山便閉門自此工夫日有妙

處但入室下語猶道欠在一日定中忽觸著

欠字身心豁然如積雪卒然開霽忍俊不禁

跳下單來擒住山曰我欠個甚麼山打三掌

師禮三拜山曰鐵山這一著子幾年今日方

了後住南嶽道風大播高麗國王請爲國師

聲振海外後復還石霜嗣雪巖焉千巖長公

跋師開示語曰鐵山和尚一條硬脊骨拗不

折親承仰山慧朗老人之記爲高麗一國之

師登其門升其堂無慮億萬計是爲南嶽下

二十一世贊曰

髑髏觸破再下一槌本無欠少錯過幾回

薰天炙地海外網開法無藏處萬里歸來

中峯本禪師傳

天目中峯禪師諱明本號幻住杭之錢塘人

藝元

古俗姓孫母李氏夢無門開道者打燈籠至其

家翌日遂生師神儀挺異具大人相纔離襁

褓便跏趺坐能言便歌讚梵唄凡嬉戲必爲

佛事年十五決志出家遇僧招師徃叅天目

高峯和尚峯孤峻嚴冷不假人辭色一見歡

藝元

十五

然欲爲祝髮師以父命未許至年二十四從

高峯薙染于獅子院授具明年觀流泉有省

詣峯求證峯打趨出旣而民間訛傳官選童

男女師因問曰忽有人來問和尚討童男女

時如何峯曰我但度竹籃子與他師子言下

洞然陸沉衆中人無知者于是高峯書真贊付之師曰我相不思議佛祖莫能視獨許不肖兒得見半邊鼻且俾叅徒詣師請益衆由此知歸及高峯將遷化以大覺屬師師辭推第一座主之師自後往遊皖山廬阜少林金陵隨處結幻住庵學人叢聚于儀真船居朝廷聞師道風賜佛慈圓照廣慧禪師之號一時王公駙馬莫不致禮翰林承旨趙公孟類以師禮之時間法要有別傳覺心師說法無礙有廣錄三十卷行于世贊曰

天目窟中真獅子兒爪牙才露百獸奔馳

孤風凜凜法海洋洋是故我師稱法中王

巔崖義禪師傳

補

斷崖了義禪師湖州德清人姓湯氏生不茹葷六歲始能言但從其母誦法華經餘情無

所知年十七聞禪者誦高峯上堂語曰欲窮千里目更上一層樓師忽曰此大善知識必能爲人拔釘去楔願見之毋張氏倣裝與行見高峯于獅子巖之死關峯今叅萬法歸一歸何處話因名之曰從一他日聞峯舉牛

過窓櫺話師疑甚一日過鉢盂塘見松上雪墜有省卽呈頌曰不問南北與東西大地山河一片雪聲未絕峯痛棒之不覺墮身崖下同學明通馳救之已出半山無所苦曰我見欽公去也通曰莫負老漢棒力挽之乃自誓七日不證則決去遂壁立達旦未及所期忽大悟馳至死關呼曰老和尚今日瞞我不得也呈頌曰大地山河一片雪太陽一照便無蹤自此不疑諸佛祖更無南北與西東峯因上堂云我布漫天大網打鳳羅龍今日有樵

螟蟲撞入三十年後向孤峯絕頂揚聲大呴
且道叫個甚麼舉拂子云大地山河一片雪
師便奪峯拂子爲衆舉揚峯歎其俊快改名
曰了義從此剃落所至歸重師性嚴峻或觸
其鋒則發言如奔雷居不擇地而律範凜如

卷八

十六

米雲師子正宗等寺屢請住持俱不應泰定
三年師壽七十始徇衆請居一載示衆曰不
可起一念精進心不可起一念懈怠心不可
起一念求悟心不可起一念得失心纔有念
生卽被一切邪魔入心腑使爾顛狂胡說亂
道永作魔家眷屬佛也難救元統二年正月
六日詣法雲塔西指空地曰此處更好立個
無縫塔其晚謂禪者曰老僧明日天台去禪
者曰某甲隨師去曰你走馬也趁我不及翌
午跏趺而化世壽七十二僧臘四十九藏全

藝九

十七

身于獅子巖後之雲深庵詔賜號佛慧圓明
正覺普度大師是爲南嶽下二十二世贊曰
千崖坐斷粉碎洪濛眼空四海鼻舌俱通
松上雪消崖邊雲墮大地山河喚作甚麼
絕學誠禪師傳

補

洪州般若寺絕學世誠禪師大德間鐵牛持
定住靈雲唱雪巖之道師爲其上足嘗示衆
云兄弟家三年五年做工夫無個入處將從
前話頭拋却不知行到中途而廢可惜前來
許多心機有志之士看衆中柴乾水便僧堂
溫煖發願三年不出門決定有個受用有等
纔做工夫心地清淨但見境物現前便成四
句將謂是大了當人口快舌便悞了一生三
寸氣消將何保任佛子若欲出離叅須真叅
悟須實悟後仰山古梅正友請益求住師曰

你去見無用中峯斷崖三人了却來與我同住後梅到雪巖閱法昌語錄至驅耕奪食忽有徹處便頌公案數則寄呈師師曰此人得我第三番竹篦上氣力但欠脫殼在越三年梅因過堂打動鉢孟始大悟是爲南嶽下二十二世贊曰

據曲彙牀提長柄拂用鐵牛機碎千聖骨亦名瞎禿亦名古佛千巖道破是第二月

千巖長禪師傳

千巖禪師諱元長字無明千巖別號也越之

蕭山黃氏子父九鼎母何氏晚而生師七歲

從外傳諸書經目輒成誦師之諸父曇芳爲僧欲乞爲嗣從之十九雜染受具于律師知爲法器一日從飯僧于丞相府時中峯在座遙見師卽呼問曰汝日用何如師曰唯念佛

耳峯曰佛今何在師方擬議峯厲聲叱之師遂胡跪作禮求示法要峯以狗子無佛性話授之師從此叅究危坐脇不至席者三年因聞鶴聲有省亟見峯具陳所悟峯復斥之師憤然來歸一夜將寂忽鼠翻食貓器墮地有聲恍然大悟覺身躍起數丈如蟬蛻污濁之中浮游亥間上天下地一時清朗披衣待旦復徃質于峯峯問曰趙州何故云無師曰鼠食貓飯峯曰未也師曰飯器破矣峯曰破後云何師曰築碎方甓峯乃微笑囁曰汝宜善自護持棲遜巖穴時節若至其理自彰師旣受囑乃隱天龍耽悅禪味後聲光日顯笑隱訴公力薦之諸山爭相勸請後至烏龍山有終焉之志尋建刹開化學者輻湊大振天目之道有語錄行于世贊曰

問佛何在尋之不見鼠翻貓器忽然出現
躍身如空應聲若響不是這番幾沈妄想

無一全禪師傳

補

無一全禪師元延祐間遜跡石溪石溪與大
同相望洞左實相寺同時有一源寧居之人

贊

謂廣德二甘露門宋學士濂每稱焉一源者

十九

無用寬法嗣卽龍池禹門開山禪師也師嗣
法未詳昔應奉華爲大慧果法門猶子世稱
具居處謂二甘露門以此類推師當爲臨濟
宗又嘗見千巖長公有辭石溪請偈曰出世

宗師萬萬千只餘迦葉守枯禪老僧若也隨
流去孤負山居三十年又送全上人偈曰全
然不識自觀音訪我伏龍山更深四月初頭
三月盡黃鶯啼過綠楊陰意者是其人耶贊

曰

無一一源是二是銖鉢悉稱聲名洋溢
名可得著語不得聞我思高致溪月石雲

本空照禪師傳

補

本空禪師氏里嗣法未詳師顯圓融廣大法
門嘗于石溪建松雲閣繪三教聖賢像悉藏

其書于中或謂辨魔揅異宗門眼目秤勣定
兩向上鉗鉗豈可雷同事須甄別師曰會壓
瓶盤釵鉤一金毒藥醍醐一味千巖長公稱
師爲巨靈劈大華之手芥子納須彌之機又
有答師一偈曰懊悔當初入此門至今無物

歎家尊伯勞破鏡潭相似翻笑飛蝗多子孫
雷聲未歇電光隨雪片飛空幾個知凜凜吹
毛全殺活太平寰宇斬頑癡亦可知其人矣

贊曰

松雲萬朵溪山盤盤松風一曲溪月團團

求崖筍出炎天雪寒我之知師有友千巖

大滿大禪師傳

補

大滿大禪師未詳何許人大滿爲五祖賜謚不聞有二按裕州妙覺寺在七峯山前一名上古寺寺後爲妙覺院阮頤庵和尚居之初禮本院溫山主爲師其後任慶壽居大刹至元十年賜號佛日大滿大禪師十九年正月圓寂一云賜號佛日大滿大禪師未知卽其人否也千巖長公有送滿禪人偈又有示慶雲滿長老偈抑或以滿爲名者歟贊曰

彼何人斯藏頭露尾是耶非耶爲彼爲此先有五祖後有順庵本來面目榜破老憨

季潭泐禪師傳

補

徑山宗泐禪師字季潭別號全室台州臨海人俗姓周氏生始能坐輒跏趺八歲從天竺

笑隱訴公學佛十四難度二十受具從隱開山于龍翔寓意詞章尤精古隸隱問國師三喚侍者三應於意云何師曰何得到肉作瘡隱曰將謂汝奇特今故無所得也師一喝隱擬拈棒師拂袖出後乃得隱心印已而上徑

山掌元叟端公記室出世涇縣水西寺大明洪武元年四月遷中竺入寺上堂曰金剛王劍橫揮千妖屏迹爍迦羅眼洞照萬物潛形到此卷舒在已殺活臨時直得千歲巖伸腰跨跳錢塘水東決逆流諸人還知有也無遂

豎拂子云庭前石笋抽條也會見高枝宿鳳

凰四年正月住徑山次五十五代太祖高皇帝召西白金公問鬼神事詔舉高行沙門師居其首五年建普度大會于鍾山太平興國寺命師說法超度迷溺上臨蓮歎美命住持

天界寺屢駕臨幸召對內庭賜餚無虛日每
和其詩稱爲泐翁至百四十五首又命製讚
佛樂章既成御署曲名曰善世曰昭信曰延
慈曰法喜曰禪悅曰徧應曰妙濟曰善應凡
八章勅太嘗諳歌舞之節用之著爲定制
十年冬詔師與太璞玘公註心經金剛楞伽
三經行世十一年上以佛書有遺佚命領徒
三十餘人往西域求之十五年得莊嚴寶王
文殊等經還朝開僧錄司授右街善世掌天
下僧教命蓄髮授以儒職師姑奉命至髮長
上召而官之師懇辭求免願終釋門上乃嘉
歎從之賜師免官說後以長官奏事獲謫往
鳳陽槎枒峯建寺三年訖工天界寺火以興
復爲已任奏重建于聚寶門外二十三年詔
再住天界二十四年復領右街善世居無何

奉旨逸老歸槎峯上曰寂寘觀明月逍遙對
白雲汝其往哉乃渡江至江浦石佛寺示微
疾九月初十日晨起謂衆曰人之生滅如海
一漚漚生漚滅復歸于水何處非寂滅地也
言訖喚侍者曰這箇聾侍者茫然師曰苦遂
寂世壽七十四夏六十荼毗牙齒數珠不壞
得舍利三十顆建塔天界附笑隱塔右宋學
士濂贊師像曰具大福德足以荷擔佛法證
大智慧足以攝伏魔軍悟四偈三玄于彈指
合千經萬論于一門真實錄也有全室外集
十卷行世是爲南嶽下二十一世贊曰
龍飛九五法運更新如雲之從作國上珍
終不受官天語益親未後傾出誰廢其音
金碧峯禪師傳

寂照圓明禪師諱寶金號壁峯乾州永壽人

姓石氏父母俱崇善時有沙門以觀音像授其母張氏囑曰謹事之當生智慧之男未幾果生師白光燈照室幼多疾父母疑之曰此兒宜歸釋氏耶年六歲遂捨依雲寂溫法師爲弟子及長受具徧詣講肆窮性相之旨

藝丸

玉

久之曰是可以了生死耶遂棄去時如海真禪師開法于蜀師往詣示以道要師大起疑

情久之有悟呈真真大斥之曰必使心思路絕大法可明師益加精進三年脇不至席一日聞伐木聲汗下如雨急往求證于真真猶詰十數過一一無滯乃印可之後至五臺秘魔崖知爲前身住處遂棲止久之聲光日露四方聞而至者將集千人師不拒也至正間順帝遣使詔至京甚敬之命住海印寺力以疾辭賜寂照圓明之號大明太祖卽位燕都

平詔師之應天時見上于內殿問佛法大意上設普濟會于鍾山選高僧十人蒞其事師偕楚石琦與焉罷賽甚渥未幾示微疾而化茶毗獲五色舍利齒舌數珠皆不壞贊曰世道交興真人應運雲龍風虎莫之能禁真金出鎌古鏡生光精明旣發照用無方

松隱然禪師傳

補

松隱德然禪師字唯庵松江華亭人姓張氏少從無用貴公祝髮歷抵諸方未有所契參千巖長公于金華聖壽禪寺聞其提唱豁然有所悟入舉目之頃日月星辰風霆雨露飛潛動蟄皆演如來大乘妙法于是遂傳其道嘗謁石室珙于霞霧山室曰子去我而求憩息之所其必松江乎書松隱二字授之以行師如其言至華亭郭匯之陽止焉結茅曰松

隱庵千巖題頂相示師曰德兮無德然兮不然僧來便棒佛來便拳慈悲沒些子毒害有萬千道非道禪非禪我住松庵汝松隱要悟更叅三十年巖沒遂主其席聲光聳起刺血寫經天花絢爛滿庭云洪武四年師念西天

目獅子正宗寺爲高峯中峯道場元季兵燬僧徒亡逸乃尋故址居之開山說法盡復前規信嚮者益衆宋學士濂嘗曰唯庵真有道之士也又跋其船居詩曰唯庵之詩托物爲喻無非發明宗門心要有益學者其推重如是爲南嶽下二十四世贊曰

面冷如霜口甜如蜜一味虛頭全無真實

佛法不會世法不通賣了明月買得清風

敬書先公重編諸祖道影傳贊後

佑紀聞之靈峯素華法師矣釋之於十方三

世無不徹也此界此時則始于釋迦繼于迦葉阿難等也其在震旦則遠公造法性論羅什歎其能知佛理北齊慧文大師讀龍樹中論悟圓頓心宗二竝可稱聞而知之菩提達磨大師受記東化可稱見而知之遠公之後凡修淨業得往生者皆見知聞知之流類也有人僅立蓮宗七祖但約行化最尊者耳然四明尊者慈雲懺主等何嘗不以淨土行化而智者大師十疑論飛錫法師寶王論天如禪師淨土或問楚石大師懷淨土詩妙叶法

藝九

舌

師念佛直指尤于淨土法門有功至雲棲大師極力主張淨土讚戒讚教讚禪痛斥口頭三昧真救世菩薩也憨山大師拓復曹溪祖庭晚年掩關念佛晝夜課六萬聲故坐逝後二十餘年開龕視之全身不散遂與六祖同

畜肉身人天瞻仰得非達宗列祖乎達磨傳至六祖乃有南嶽青原二甘露門門似二道無二也又數傳而爲五宗人有五宗非五也譬如阿耨達池一水流爲四河歸于大海河有四水無四也今不知池水與海之一獨從藝元四河之濶狹曲直遠近起見互相是非其可乎哉近代禪宗自楚石琦大師後不愧古人風格者必首推紫柏大師壽昌無明禪師焉繼北齊者有南嶽思大師出大乘止觀法門四卷真圓頓心要也次有天台觀大師出三種止觀法華玄義文句及維摩仁王金光明普門品十六觀等疏於是教觀大備歷五傳至荆溪其道中興又八傳至四明道乃重振此後裂爲三家漸式微矣近則百松覺公稱爲鳴陽孤鳳僅出三千有門頌略解及楞嚴

百問耳幽溪無盡燈公繼起一時稱盛然唯生無生論足稱完璧而圓通疏殊未滿人意但能趺坐書空作妙法蓮華經字脫然西逝則誠蓮華國裡人大唐玄奘法師徧遊天竺學唯識宗于戒賢法師盡其所知旁搜其所未知廣大精微真彌勒天親之子釋迦文佛之遠孫也慈恩基師繼之所撰法華贊玄則靈山法道恐未全知無怪乎唯識一書本是破二執之神劍反流爲名相之學矣賢首法藏國師得武后爲其門徒聲名藉甚疏晉譯華嚴經經既未備疏亦草略故不復傳所傳起信論疏甚失馬鳴大師宗旨方山李長者有新華嚴經頗得大綱清涼觀國師復出疏鈔綱目竝舉可謂登籍華之堂矣後世緇素往往獨喜方山大抵是心粗氣浮故耳不知

清涼雖遙嗣賢首實青出于藍也圭峯則是
荷澤知見宗徒支離矛盾安能光顯清涼之
道哉或曰佛祖之道必須師資授受方有的
據否則法嗣未詳終難取信靈峯曰譬諸儒
家公伯寮非親炙宣尼告子滕更之徒非親

鑒

秉

炙孟子者乎學焉未成則終身不入聖域矣

今之雖有師承顛覆如來教戒者何以異此
朱子陸子生于宋薛文清公王文成公生於
明後千百年遙傳道統今之雖乏師承能自
契合佛祖心印者亦奚不然故執跡以言道

則道隱壁諸射者期各中的焉耳十方三世
唯此一的常住不變何俟于傳巧之與力存
乎其人父不能得之子子不能得之父有何
所傳或見而知之或聞而知之及其知之一
也正知其不可傳者也謂有可傳則非佛祖

聖賢之道也佑鉅因是重有感矣南宋紹興

間濟宗大慧杲住育王洞宗宏智覺住天童
相得歡甚大慧一日過天童宏智出寺迓之
會于亭中兩師交讓無已乃不次而坐張狀
元安國歎曰三代禮樂今歸釋氏矣因以攝

讓名其亭宏智嘗曰脫我先去公當主後事

及大慧得宏智遺書遂陞座說法有知音知
後更誰知旬夜至天童凡後事悉主之因舉
宏智弟子法爲繼天童席識者方知二尊宿
各傳一宗而以道相與初無彼此之別也以

藝九

毛

視今之諸方門庭不同互相攻擊者爲何如
哉昔笑巖和尚嗣臨濟而不專臨濟之稱止
稱傳曹溪正脈第三十二世意深遠矣今願
當世大善知識見是書者直令宗教融通勿
反于宗門中生分別想也

康熙甲辰冬十月朔秀水高佑紀念祖父敬
述於金臺之報國寺

八十八祖傳贊卷之四

音釋

襦 汝朱切音 儒短衣也 錚側莖切音 爭金聲也 飯昌六切音 廉
也 樞茶下切音 厥裹研也 柴耶木名 餘遲切音 鑑

似金子也

象齒切音